

Nowodhow an Seythen

08/12/08

Prys drog yw dhe Vosvenegh awos tri-hans-deg-ha-tri-ugens oberwas dhe gelli aga soodh.

Fitzgerald Lighting re wrug aga gasa dhe wari wosa bos gorrys yn menystrans.

An negys re omwodhevis koll a worholedh awos an krunch-kresys.

**

Yma perhenoryon gwerthjiow yn Kammbroon ow tenna mes a'n estyllenow las krev, ha naha las dhe dus neb a dheu yn gwerthji heb bos medhow... mes gans gnas a dhrogoberor.

Ottomma diw fordh mayth eus Kammbroon ow strivya erbynn omdhon drog an Nadelikweyth ma.

Yma'n kreslu ow tyski dhe berghenoryon a'n gwerthjiow aswon an dus neb a wrussa kammwul erbynn an laha.

**

Yma gwarnyans dhe berhenoryon keun a-dro dhe wirus fel yn Kernow.

Yma an kreslu owth ynnia dhe dus kavos dygthyans rag aga miles dov yn Sen Day, Karharrek ha Lannergh.

I a lever bos edhom dhyn a jeckya an enyvales... ha gwarnya bos possybyl merwel dre gleves Pavro.

**

Usi agan parys tanlu yn peryl awos studh aga dafar?

I a lever na wra aga dafar radyo oberi a-ji drehevyansow ow leski.

Unnyansow a lever bos res dhedha kewsel dhe'n parys yn-mes... byttegyns ny wra an dafar fyttya a-ji aga dafar anella.

**

A vydh Ayrborth Kernow parys a-dermyn?

Henn yw an govyn wosa Konsel Kernow dhe wul aga faperweyth yn kamm ha ny wrug an treusrians dhyworth an RAF dhe'n konsel mos yn-ta.

Lemmyn degeys yw an ayrborth bys y'n ugensves a vis Kevardhu.

Byttegyns y klewyn bos dowt dhe'n konsel a by dydh poran a vydh an ayrborth ygerys arta.

Res vydh dhedha gul moy a ober war an hyns neyjya ha kales yw y wul awos an hager awel.

**

Henn yw oll an seythen ma.

Agas gweles nessa seythen.